

NARRATIO CLERICORUM RHEMENSIVM,

Qualiter Ebbo Rhemorum archiepiscopus, quod in Ludovicum Pium imp. conspiraverat, ab episcopis depositus anno 835, et post ipsius Ludovici mortem sedi sue restitutus, ac deinde iterum dejectus est.

(Duchesne, Script. Rer. Franc.)

Deserente omni populo Ludovicum imperatorem, A et transeunte ad filium ejus Lotharium, Ebbo etiam episcopus inter eos ad eumdem se contulit Lotharium. Qui scilicet Lotharius veniens per imperialia palatia, adduxit secum patrem suum usque Suessionis ad monasterium S. Medardi; ibique hortantibus et jubentibus ceteris episcopis, seu primoribus regni, coactus est Ebbo, quia in diocesi ejus erat, illi imponere publicam poenitentiam. Unde nimiam et perpetuam ejus incurrit offensam. Inde vero plurima pars procerum ac populi verterunt se iterum ad jam dictum imperatorem, deserentes ejus filium Lotharium, et restituerunt eum in imperium apud monasterium S. Dionysii. Morabatur autem tunc temporis Ebbo episcopus in monasterio S. Basoli, infra parochiam Rhemensem, claudus utroque pede, et nimia afflictus infirmitate. Timens vero quia nec cum Lothario exire poterat, nec animum imperatoris adversum se quidquam emollitum habebat, ne, sicut tali turbine furoris fieri solet, a levibus et indisciplinatis hominibus, quasi pro fidelitate domini imperatoris perderetur, jussit se deportari ad quemdam fluvium nomine Matronam, qui propius erat, et mitti in navim, atque Parisius ad quamdam deduci cellulam cuiusdam Reclusi, sperans ibi tute posse manere, usque dum aut animum imperatoris quoquo modo placare potuisset, aut recepta sanitate ire post Lotharium valeret. Audiens vero dominus imperator eum illuc transfugisse, misit, et jussit eum deduci sub custodia ad Voldam monasterium Sancti Bonifacii, ibique servari, et post biennium adduci ad Teotonis-villam in parochia Mettensi, ubi erat placitum imperatoris publicum. Presentatus autem concilio episcoporum, accusatus est ab imperatore, atque diu nimiis terroribus maceratus, inito tandem consilio cum ceteris coepiscopis et fratribus suis, quia episcopus nec archiepiscopus suis omnibus bonis expoliatur, subque custodia tentus, et ab ecclesia sua sequestratus, in synodo apostolica auctoritate non convocata, neque ejus legatione roborata, damnari nullatenus juxta decreta sanctorum Patrum potuisset, nec diutius in talibus torqueretur, et etiam sanus corpore iram maximi principis quocunque modo declinaret, coactus scripsit libellum hunc : Ego Ebbo indignus quandam episcoporum recognoscens fragilitatem meam et pondera peccatorum meorum, testes et confessores, Aiulfum videlicet archiepiscopum, et Bradaradum episcopum, neconon et Modonum episcopum, constitui mihi judices delictorum meorum, et puram ipsis confessionem dedi, quarens

A remedy penitendi, et salutem anima mea, ut recederem ab officio et ministerio pontificali, quo me recognosco esse indignum, et alienum me reddens, pro reatibus meis, in quibus me peccasse secreto illis confessus sum, eo scilicet modo, ut ipsi sunt testes alium succedendi et consecrandi subrogandique in loco meo, qui digne praesesse et prodesse possit Ecclesiae, cui hactenus indignus praeceps; et ut inde ultra nullam repetitionem aut interpellationem auctoritate canonica facere valeam, manu propria mea subscribens firmavi. Quorum testimoniū vel confessorum testimonium in successione et in consecratione alterius nullus unquam requisivit, cum etiam unus eorum, Badaradus scilicet, in restituitione Ebonis fuerit.

B Finito autem concilio, reductus est sub arcia custodia ad eumdem, Sancti scilicet Bonifacii monasteriu. Post aliquantum vero temporis, commendatus est similiter ad custodiendum Freculfo Lexoviensi episcopo, inde etiam Bosoni abbatii in monasterium Sancti Benedicti, sub cuius manu exsulabat quando dominus imperator viam totius ingressus est carnis. Defuncto autem imperatore, reductus est a jam dicto Bosone abbate ad Lotharium, et obviavit ei apud Ingelenhaim. Ubi congregata synodo auctoritate apostolica et præceptione Lotharii imperatoris, apud eam restitutus est ab his episcopis, Drogone episcopo, Hecti archiepiscopo, Othgario archiepiscopo, David archiepiscopo, Amalwino archiepiscopo, Joseph archiepiscopo, Andaux archiepiscopo, Adalulpho episcopo, Erminio episcopo, Badarado episcopo, Aganone episcopo, Samuel episcopo, Rodingo episcopo, Frothario episcopo, Gisleberto episcopo, Adone episcopo, Hrampero episcopo, Ratulfo vocato episcopo, Harcarrio vocato episcopo, Amalrico vocato episcopo, Bosone abbate ex monasterio Sancti Benedicti, cum aliis quampluribus abbatibus, presbyteris atque diaconibus. Remissus est autem a jam dicto imperatore Lothario, seu a prefato concilio, ad sedem propriam, Rhemensem scilicet ecclesiam. Ad quam veniens VIII Idus Decembris, receputus est ab episcopis suffraganeis suis, Rothado episcopo, Simeone episcopo, Lupo episcopo, Erpuino episcopo, una cum legis omnium aliorum episcoporum Rhemensis dioeceseos, qui variis detenti infirmitatibus illuc corporali presentia occurrere non valentes, suam tamen per ecclesiasticos legatos et excusatorias litteras illi exhibuerunt presentiam. Insuper etiam a canonicis et monachis, atque corregionalibus litteris totius dioecesis, cum infinita mol-

titudine utriusque eorum, qui omnes cum ramis palmarum et cereis ardentibus, laudesque Deo intimis ex cordibus et excelsissimis vocibus proclamantes, longe ei ab ecclesia obviaverunt, et usque ad ecclesiam indesinenter psallentes eum perduxerunt. Tunc oratione completa, silentioque imposito, ascendit Rothadus episcopus ambonem, ducens secum Ingobertum monachum, et primo allocutus est gaudenti plebe de desiderabili reversione proprii pastoris, et qualiter restitutus a sancto concilio, seu ab imperatore Lothario, eis remittebatur. Et jussit Ingobertum monachum alta voce ipsam ejus restitutionem legere. Dederunt etiam presente omni ecclesia legati episcoporum unusquisque assensum proprii sui episcopi et plebis scriptum : qui omnes ecclesiae ab Ingoberto monacho publice relecti sunt. Ad ultimum dedit Iultaus [Vitaus] chorepiscopus et vicarius Theoderici episcopi assensum infra scriptum. Quem idcirco hic praeceteris inseruimus, quatinus in eo et res gesta licet breviter comprehensa liquidius cognosci possit, et consensus eorum qui presentes adesse non valuerunt in restitutione ejus, manifestius intelligi. **C** Dum non habetur incognitum, quod a pluribus videtur esse compertum, qualiter Ecclesia haec maxima Galliarum sub regimine Francorum diversis perturbationibus ac discordiis principum indignatione violenta istis temporibus agitata vexatur. Unde et plurimi episcoporum a propriis sedibus expulsi, aut timore derelictis gregibus diversis in partibus exsulantur. Inter quos etiam Ebbo archiepiscopus Rhemensis ecclesiae raptus a propria sede, principum indignatione violenta in exilio ductus est. Unde et reductus sub custodia, ut periculum imminentem evaderet, et furores persequentium mitigaret, redimendo tempus ut meliori se tempori reservaret, cum consensu episcoporum pontificali recessit a ministerio, dum inter terrores et discordias ratio non sinit immolare victimas, dicente Domino : *Si offers munus tuum ad altare, et ibi recordatus fueris quia frater tuus habet aliquid adversum te, relinque ibi munus tuum, et cetera.* Postquam vero Deus Ecclesiae suae tranquilliora tempora reddidit, placuit principibus et magistratibus ecclesiasticis, ut isdem pastor ad debitum ovile revertetur, et oves suas, compulsus reliquerat, tuendas idem reciperet. Quibus et ecclesiasticis debitis negotiis, ego Theodericus Cameracensis episcopus assensum canonicis praebens, sicut prius de illius discessu compatiendo dolui, ita modo de ipsius reversione congaudens, constitutiones has seniorum vel fratum roborando subscripsi : quia talia saepe contigisse et in aliis gestis ecclesiasticis legi. His ita peractis, iterum reboantibus signis, et vociferante omni Ecclesia, *Te Deum laudamus*, ductus est jam saepe dictus Ebbo episcopus in vestiarium, et induitus episcopalibus vestimentis, similiter etiam alii episcopi, et processerunt cum eo ad celebrationem Missae. Nam Rothadus episcopus dextra manu eum sustentans, habuit suae partis Lupum Catalaunensis ecclesiae episcopum, et

A Hirminsredum presbyterum, postea vero Belvacensis ecclesie episcopum. Sinistra autem manu sustinens eum Simeon episcopus, similiter suae partis Erpuinum episcopum, et Vitaum [Jutaum] Cameracensis ecclesiae chorepiscopum. Et sic ad sanctum altare cum eo procedentes, ad propriam sedem eum deduxerunt, atque cum eo cuncti sedentes, in omni pontificali officio ipsa die ei communicaverunt. Fuerunt autem per longum spatium ejus exsulatus ordinatio episcopi eo absente, Simeon episcopus, Luperus episcopus, Erpuinus episcopus; quod omnimodis sanctissimis prohibetur canonibus. Qui completa cum omni gudio et laetitia consecratione et solemnitate sacrificii presente omni Ecclesia deprecati sunt eum, ut ipsius auctoritate eorum statueretur ac roboretur ordinatio. Qui benignissime eorum preces obaudiens dedit eis publice coram sacrosancto altari annulos et baculos sue auctoritatis in confirmatione eorum ordinationis, et allocutus est de eis omni Ecclesiae, ut scirent universi se in charitate, quae ex Deo est, eorum ordinationi consentire, absque subsistere.

Postea vero accipiens auxilium et legationem jam saepe fati Lotharii imperatoris, ad limina beatorum perrexit apostolorum, non satis habens in restitutione sua sine apostolicae sedis auctoritate, consensu tantorum episcoporum, et aliorum bonorum hominum. Ubi a piissimo ac spirituali patre Gregorio, domino videlicet apostolico, benignissime est receptus et apostolica auctoritate plenissime restitutus, sicuti penes nos habemus. Postremum denique funtos pacifice plus quam biennio omnibus episcopalibus officiis, vocavit nos jam saepe fata mater Rhemensis ecclesia ad gradus ecclesiasticos, ad quos, Deus novit, non importune nos gessimus, sed electione ministrorum Ecclesiae, magistrorumque nostrorum acclamatione, etiam atque oblatione totius Ecclesiae delati sumus. Post haec vero dividentes inter se regna paterna, Lotharius imperator ac dominus noster Carolus gloriosissimus rex, devenit jam saepe dicta mater nostra Rhemensis ecclesia in partem et ditionem gloriosissimi regis Caroli, cum quo erat gratissimus ac potentissimus Fulcho abbas, qui ipsam ecclesiam domini Ludovici imperatoris antea presbyter obtinuerat, et gratia ejusdem regis, cum quo erat, iterum adeptus est eam. Cujus impetum atque furorem metuens jam saepe dictus Ebbo episcopus, quippe qui nedum cum eodem rege pacificatus erat, cum Lothario, qui primitus adhæserat, remanendo, cessit, et cum eo moratus, timens quia nullatenus suam adipisci posset pacifice sedem, apostolica auctoritate et consensu episcoporum, dono etiam Ludovici regis Germaniae adeptus est pro tempore ipse vacans vacancem sedem Hiltinesheim, aspirans semper ad propriam sedem. Quam siquidem a domino Carolo rege, licet valida pedum infirmitate gravaretur, repetisse multorum testimonio comprobatur. Unde necessitate coimpulsus, ad praedictam sedem Hiltinesheim revertens, secundum restitutionem

apostolice sedis episcopali officio functus usque in finem vite immutabiliter fuisse convincitur. Ubi inter cetera multa bona, diversas etiam fecit ordinationes, quae absque ulla unquam reprehensione ab omnibus Deo amabilibus gaudenter amplexantur.

Interea vero unusquisque nostrum in suo ordine pacifice ministravit, atque cum omnibus ad eamdem matrem Ecclesiam confluentibus, tam episcopis quam etiam regibus, atque cunctis potentibus, communicauit: donec jam supradictus Carolus rex eamdem ecclesiam longo post tempore reverendo viro Hincmaro gubernandam commisit. Qui statim post ordinationem suam nobis infestus ministrare prohibuit. Cui cum humiliter culpam nostram abjectionis querendo interrogassemus, nullam nobis culpam objicere voluit, sed tamen a propriis officiis cessare præcepit. Qui autem ab ecclesia Rhemensi ex nobis recedere pro hac eadem interdictione noluerunt, absque ulla contradictione postea semper ministraverunt. Unde quanta iurgia et contentiones inter eum et nostrum ordinatorem jam særissime djetum Ebbonem existerint, longum est litteris comprehendere, quia quod expetierat consequi nequivit. Obtinuit enim tandem apud piissimum Leonem papam, ut daret ei judices suæ vicissitudinis, Drogouem episcopum, Otgarium archiepiscopum, Heoti archiepiscopum, et Gunbal-dum archiepiscopum. Unde et litteris jam dicto Hincmaro mittens præcepit, ut eis suam vicissitudinem habentibus ad causas reddendas contra Ebonem se Treveris præsentaret. Quod minime, variis interventibus occasionibus, ad effectum pervenit. Ista quæ inter hæc duo signa habentur, ab ipso monacho et ab his qui interfuerunt audivimus: nos tamen ipsi non vidimus. Similiter etiam ut fertur, sicut audi-vimus quando pallium ab apostolica auctoritate isdem Hincmarus petiit, non antea impetrare potuit, quam ab Ermenardo quadam Orbacensi monacho eidem sanctæ Romanæ sedi sacramento firmatum est, Ebonem jam sæculo decessisse; cum adhuc, licet senectute et variis infirmitatibus gravatus, superpestes tamen, sedem Hiltinesheim pacifice regerer ac gubernaret. Sed tamen ip̄sæ apostolica auctoritatis litteris, quibus eidepsa Hincmaro uestis pallii concessus est, caute, ut in seruio sanctæ matris Romanæ Ecclesiae inveniri potest, insertum legitur: Concedimus tibi usum pallii, salva tamen conten-tione quæ inter te et Ebonem habetur. Ad quam contentionis item finem, nullo imperio, nulla unquam auctoritatis præceptione isdem Ebbo perve-

Aire meruit. Illis autem ita contenditibus, nos semper humiliiter et pacifice nostram sustinendo portavimus ignominiosam dejectionem.

Defuncto autem jam dicto ordinatore nostro mense Martio, statim obtinuit dominus noster Hincmarus apud Carolum regem, ut convocaret synodum Sues-sionis apud monasterium Sancti Medardi, et jussit nos fere tunc temporis quatuordecim numero pre-shyters et diaconos illuc ire, promittens se de no-bis misericorditer tractaturum. Qui renuentes, et humiliiter deprecantes, ne nos illuc ad majorem no-stram confusionem ire faceret et dejectionem, non audivit, sed potius magistris nostris præcepit, ut omnino-nidis nos illuc ire facerent: quod et fecerunt. Venientes autem illuc, præcepit nobis dare libellum B proclamationis: quod minime volebamus, scientes jam ex parte, sicut et postea manifestius cognovi-mus, quid de nobis tractabatur. Tamen licet coacti, dediu-nis cæteri, excepto uno, qui, priusquam Ebbo removeretur, litteris canonici traditus est Liutado Vincentiensi episcopo, et postea licentia et depre-catione ipsius nobiscum ordinatus. Ipse enim erat cum Carolo rege, et nullatenus ad synodum venit: quippe cuius proprius episcopus ibi non erat. Sed nec ipse, sicuti et nos, ad synodum canonice vocatus advenerat. Ideoque suum nomen illuc scriptum non misit, licet dicatur scripsisse in libello a nobis vo-lenti præceptione subscripto, et per Sigloardum, et Leutonem, atque Isaac, illuc transmisisse: quod mi-nime fecit. Dato autem libello, surgens dominus noster Hincmarus archiepiscopus elegit sibi judices, Wenilonem archiepiscopum, Amalricum archiepi-scopum, Pardulum quoque episcopum suum suffra-ganeum, commendans ei etiam locum suum. Jussit autem nos eligere, qui jam ab ipso solo, si fas est dicere, non canonice excommunicati eramus. Manen-tes autem in hac maxima tribulatione, timentes quod si non eligeremus, superbiz et arroganzia deputa-retur; si autem eligeremus, nullatenus nobis profu-turum sciebamus, cum omnia violenter nobis extor-quebantur, quia scilicet nos proloqui nequaquam cadebat, vel condemnationis præjudicium, vel evo-catio non legalis ad synodum. Judices etiam, qui erant nobis eligendi, quoniam non interposita tem-poris dilatatione, verum subite necessitudinis inter-peellatione essent eligendi; cum secundum legum con-stituta per temporis spatium eligi judices debeant, ut possint diligenter edoceri quibus de rebus sint judicaturi.

EBBONIS POEMATIA.

(Flodoard., Hist. Eccl. Rhem.)

I.

*Inscriptio quæ Ebbo præficit ecclesiae Sancti Petri.
Ludovicus Cæsar factus coronante Stephano*

Hac in sede papa magno: tunc et Ebo pontifex
Fundamenta renovavit cuncta loci istius,
Urbis jura sibi subdens præsul auxit omnia.